

KJKP "Vodovod i kanalizacija" d.o.o. Sarajevo  
v.d. Direktor  
Izvod br. 73/17 lot 2

---

Sarajevo, 23.04.2018. godine

Na osnovu Rješenja Ureda za razmatranje žalbi broj: JH2-03-07-1-400-9/18 od 12.04.2018. godine, odredbi člana 69. stav 2. tačka d) i člana 70. stav 1. 4. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo i člana 41. Statuta preduzeća, na preporuku Komisije za javnu nabavku broj 73/17-lot 2 od 20.04.2018. godine, u postupku javne nabavke br. 73/17-lot 2 "Bunarski pumpni agregati za mojmilski bunar MB8 , bunar SKB3 – Izvorište Sokolovići, bunar SKB4 – Izvorište Sokolovići" donosi se:

## O D L U K A

### I

Poništava se Odluka o izboru najpovoljnijeg ponuđača br. 73/17 lot 2 od 11.12.2017. godine za nabavku roba : **"Bunarski pumpni agregati za mojmilski bunar MB8 , bunar SKB3 – Izvorište Sokolovići, bunar SKB4 – Izvorište Sokolovići"**.

### II

Poništava se postupak javne nabavke broj 73/17 lot 2 za nabavku roba : **"Bunarski pumpni agregati za mojmilski bunar MB8 , bunar SKB3 – Izvorište Sokolovići, bunar SKB4 – Izvorište Sokolovići"** iz razloga što nijedna od primljenih ponuda nije prihvatljiva a sve u skladu sa odredbama člana 69. stav 2. tačka d) ZJN.

### III

Ova odluka objavit će se na web stanici : [www.viksa.ba](http://www.viksa.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

### IV

Ova odluka se dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama a stupa na snagu danom donošenja.

## O b r a z l o ž e n j e

Vezano za postupak javne nabavke za nabavku roba putem otvorenog postupka po tenderu broj 73/17 lot 2 „**Bunarski pumpni agregati za mojmilski bunar MB8 , bunar SKB3 – Izvorište Sokolovići, bunar SKB4 – Izvorište Sokolovići**“ - Obavještenje broj 247-1-1-141-3-191/17 objavljeno na Portalu javnih nabavki dana 24.08.2017.godine a sažetak obavještenja o nabavci je objavljen u Sl. glasniku BiH broj 63. od 01.09.2017.godine i Ispravka za obavještenje o nabavci broj 247-1-1-141-8-232/17 objavljena na Portalu javnih nabavki dana 11.10.2017. godine, a sažetak ispravke za obavještenje o nabavci je objavljen u Sl. glasniku BiH broj 73. od 13.10.2017.godine.

Komisije za javne nabavke je imenovana Rješenjem br. 293/16 od 03.11.2016 godine i dopunskim Rješenjem br. 73/17-1 od 16.08.2017 . godine.

Rješenjem Ureda za razmatranje žalbi broj JH2-03-07-1-400-9/18 od 12.04.2018. godine kojim je žalba ponuđača „Etal BH“ d.o.o. Sarajevo uložena na Odluku o izboru najpovoljnijeg ponuđača broj 73/17 od 11.12.2017. godine usvojena kao djelimično osnovana, poništena je predmetna Odluka o izboru najpovoljnijeg ponuđača te postupak vraćen ugovornom organu na ponovni postupak.

Komisija za javne nabavke je pristupila ponovnom pregledu i ocjeni ponuda i konstatovala sljedeće:

Komisija konstatuje da je na osnovu Obavještenja o nabavci br. 247-1-1-141-3-191/17 od 24.08.2017.god., i ispravke za Obavještenje o nabavci br. 247-1-1-141-8-232/17 od 11.10.2017. godine, proveden postupak javne nabavke putem otvorenog postupka, te je izvršeno javno otvaranje ponuda dana: 26.10.2017. god. u 13:15 sati, a što je konstatovano zapisnikom sa otvaranja ponuda br. 73/17 lot 2.

Za predmetnu javnu nabavku dostavljene su sljedeće ponude ponuđača:

1. Ponuđač: „Hidro Termo Centar“ d.o.o. Sarajevo,
2. Ponuđač: „Ganges“ d.o.o. Doboj,
3. Ponuđač: „Etal BH“ d.o.o. Sarajevo.
4. Ponuđač: „CMC Ekocon“ d.o.o. Sarajevo i
5. Ponuđač: „Elektro Univerzal“ d.o.o. Tuzla.

Navedeni ponuđači su preuzeli tendersku dokumentaciju sa portala javnih nabavki i samim tim ostvarili pravo učešća u postupku.

Dostavljanje zapisnika sa otvaranja ponuda izvršeno je prema ponuđačima u zakonskom roku.

Komisija za javne nabavke je dana 20.04.2018. godine pristupila pregledu i ocjeni pristiglih ponuda u formalnom smislu: oblika ponuda (numeracija, uvezivanje i dr.), cjelovitosti odnosno potpunosti ponuda.

Komisija je utvrdila da dostavljene ponude ponuđača „Hidro Termo Centar“ d.o.o. Sarajevo, „Ganges“ d.o.o. Doboj, „Etal BH“ d.o.o. Sarajevo, „CMC Ekocon“ d.o.o. Sarajevo i „Elektro Univerzal“ d.o.o. Tuzla ispunjavaju zahtjevane tenderske uslove prema obliku i potpunosti u smislu pripreme ponude.

Pregledom ponuda koje su zadovoljile uslove u formalnom smislu, Komisija je pristupila analizi dokumentacije priložene uz ponude u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

RB	Zahijevana kvalifikaciona dokumentacija	„Hidro-Termo Centar“ doo Sarajevo	„Ganges“ doo Doboј	„Etal BH“ doo Sarajevo	„CMC Ekocon“ doo Sarajevo	„Elektro Univerzal“ doo Tuzla
1.	<b>Tačka: 13 TD:</b> Izjava o ispunjenosti uslova iz člana 45. stav (1) tačka od a) do d) Zakona o javnim nabavkama – Aneks IV; Prilog 3.	DA	DA	DA	DA	DA
2.	<b>Tačka: 14.1 TD:</b> Izjava o ispunjenosti uslova iz člana 47. St. (1) tačka a) i (4) Zakona o javnim nabavkama –Aneks V; Prilog 4.	DA	DA	DA	DA	DA
2.1	<b>Tačka: 14.1 TD:</b> Kopija potvrde banke o aktivnosti transakcijskog računa koja nije starija od tri mjeseca računajući od trenutka dostavljanja ponude	DA	DA	DA	DA	DA
3.	<b>Tačka 14.3 TD:</b> Original ili ovjerena fotokopija <u>Aktuelnog izvoda iz sudskog registra</u> ovjerena od strane nadležnog organa – organ uprave ili notar (ili Rješenja o registraciji) ili ekvivalent odgovarajućeg dokumenta, <b>koji nije stariji od tri mjeseca od dana izdavanja</b> , a računajući od momenta predaje ponude. (Član 46. ZJN)	DA	DA	DA	DA	DA

Komisija konstatuje da ponuđači „Hidro-Termo Centar“ d.o.o. Sarajevo, „Ganges“ d.o.o. Doboј“, „Etal BH“ d.o.o. Sarajevo, „CMC Ekocon“ d.o.o. Sarajevo i „Elektro Univerzal“ d.o.o. Tuzla ispunjavaju kvalifikacione uslove obzirom na iskazane zahtjeve ugovornog organa u tenderskoj dokumentaciji.

RB	Ostala zahtjevana dokumentacija aneksi/prilozi	„Hidro-Termo Centar“ doo Sarajevo	„Ganges“ doo Doboj	„Etal BH“ doo Sarajevo	„CMC Ekocon“ doo Sarajevo	„Elektro Univerzal“ doo Tuzla
1.	<b>Tačka: 15 TD:</b> Pismena izjava ponuđača iz člana 52. Zakona o javnim nabavkama – Aneks VIII; Prilog 5.	DA	DA	DA	DA	DA
2.	<b>Tačka: 16 TD:</b> Obrazac za ponudu – Aneks II; Prilog 1.	DA	DA	DA	DA	DA
3.	<b>Tačka: 20 TD:</b> Obrazac za cijenu ponude – Aneks III; Prilog 2.	DA	DA	DA	DA	DA
4.	<b>Tačka: 16 TD: Ostalo traženi u TD</b> Ponuda treba da sadrži tehničku dokumentaciju koja sadrži sljedeće: -detajne hidrauličke karakteristike, Q-H, Q-η, Q-NPSH, Q-N -tip, mehaničke i hidrauličke karakteristike nep. ventila -pregled ugrađenih materijala osnovnih elemenata pumpnog i motornog dijela -ugradbene mjere pumpnog agregata sa težinama pumpnog i motornog dijela -crtež i dimenzije usisnog plašta, sa ugradbenim mjerama i težinama -materijal usisnog plašta -obim isporuke	NE	NE	DA	NE	NE
5.	<b>Tačka: 30 i 35 TD:</b> Nacrt ugovora o javnoj nabavci - Prilog 7.	DA	DA	Dostavljen je izmijenjen Nacrt ugovora o javnoj nabavci	DA	DA
6.	<b>Tačka: 42 TD:</b> Povjerljive informacije – Prilog 6.	DA	DA	DA	DA	DA

Uvidom u dostavljeni nacrt ugovora o javnoj nabavci ponuđača „ETAL BH“ d.o.o Sarajevo, Komisija je konstatovala sljedeće :

- u članu 2. je unesen tekst : „ *Ukupna vrijednost nabavke iz člana 1. ovog ugovora bez uključenog PDV-a je fiksna i iznosi....* “ , dok je tenderskom dokumentacijom zahtijevano : „ *Ukupna vrijednost nabavke iz člana 1. ovog ugovora bez poreza na dodanu vrijednost je fiksna i iznosi.....* “ ;
- u članu 6. je unesen tekst : „ *Način i uslovi plaćanja su 60 dana od dana ispostavljanja fakture* “ , dok je tenderskom dokumentacijom zahtijevano : „ *Način i uslovi plaćanja su u roku od 60 dana od dana isporuke robe i ispostavljanja fakture* “ ;
- u članu 9. je unesen tekst : „ *Prodavac daje garanciju na kvalitet i funkcionalnost na svu isporučenu robu u trajanju 12 mjeseci od ugradnje, odnosno 18 mjeseci od isporuke. Garancija za isporučenu robu obuhvata sve kvarove nastale usljed grešaka u projektovanju, proizvodnji i materijalu; Garancija ne obuhvata kvarove nastale usljed greške prilikom instalisanja pumpe od strane kupca* “ , dok je tenderskom dokumentacijom zahtijevano: „ *Garancija za isporučenu robu obuhvata sve kvarove nastale usljed grešaka u projektovanju, proizvodnji i materijalu ili instalisanju* “ ;
- u članu 15. nedostaje tenderskom dokumentacijom zahtijevani dio teksta : „ *sa svom popratnom dokumentacijom* “ .

Tekst gore navedenih članova bitno odstupa od nacrtu ugovora predviđenog tenderskom dokumentacijom, pa je na navedeni način ponuđač „ETAL BH“ d.o.o. Sarajevo postupio suprotno tački 16. tenderske dokumentacije „Sadržaj ponude i način pripreme ponude“ koja određuje da se pri pripremi ponude ponuđač mora pridržavati zahtjeva i uslova iz tenderske dokumentacije, te da ponuđač ne smije mijenjati ili nadopunjavati tekst tenderske dokumentacije.

Obzirom na navedeno, Komisija je utvrdila da ponuda ponuđača: „Etal BH“ d.o.o. Sarajevo ne ispunjava zahtjeve ugovornog organa koji su traženi tačkom 16. tenderske dokumentacije, zbog čega se ova ponuda smatra neprihvatljivom i ista se odbacuje, a sve u skladu sa članom 68. stav.4. tačka i) Zakona o javnim nabavkama.

Pregledom ponuda ponuđača „Hidro-Termo Centar“ d.o.o. Sarajevo, „Ganges“ d.o.o. Doboj, „CMC Ekocon“ d.o.o. Sarajevo i „Elektrouniverzal“ d.o.o. Tuzla, od strane stručnih lica za predmetnu nabavku je konstatovano da ponude navedenih ponuđača ne ispunjavaju zahtijevane uslove iz tačke 7. tenderske dokumentacije i to :

Ponuđač „Hidro-Termo Centar“ d.o.o. Sarajevo iz sljedećih razloga :

- Detaljne hidrauličke karakteristike, Q-H, Q- $\eta$ , Q-NPSH, Q-N za pozicije 1.1, 1.2 i 1.3 nisu date bez nepovratnog ventila a što je traženo tenderskom dokumentacijom.
- Za poziciju 1.1 nije data brzina oko motora od 0 m/s ( data je 0,16 m/s )

Ponuđač „Ganges“ d.o.o. Doboj iz sljedećih razloga :

- Detaljne hidrauličke karakteristike, Q-H, Q- $\eta$ , Q-NPSH, Q-N za pozicije 1.1, 1.2 i 1.3 dat je stepen iskorištenja pumpi niži od minimalnog stepena iskorištenja traženog u tenderskoj dokumentaciji.
- Za pozicije 1.1, 1.2 i 1.3 nisu date bez nepovratnog ventila a što je traženo tenderskom dokumentacijom.
- Tražene mehaničke i hidrauličke karakteristika nepovratnog ventila nisu date
- Za pozicije 1.2 i 1.3 nije dat crtež usisnog plašta sa ugradbenim mjerama i težinama
- Za pozicije 1.2 i 1.3 nije dat materijal usisnog plašta sa ugradbenim mjerama i težinama
- Za poziciju 1.1 nije data brzina oko motora 0 m/s ( data 0,16 m/s )

Ponuđač „CMC Ekocon“ d.o.o. Sarajevo iz sljedećih razloga :

- Detaljne hidrauličke karakteristike, Q-H, Q- $\eta$ , Q-NPSH, Q-N za pozicije 1.1, 1.2 i 1.3 nisu date bez nepovratnog ventila a što je traženo tenderskom dokumentacijom.

Ponuđač „Elektrouniverzal“ d.o.o. Tuzla iz sljedećih razloga :

- Utvrđeno je da je ponuđač dostavio sljedeće dokumente: Tehničke karakteristike i dijagram za pumpu VSP CC 834/06 (str.34.); Tehničke karakteristike za pumpu VSP CC 834/06 (str. 35.); Tehničke karakteristike i dijagram za pumpu VSP CC 834/06 (str.38.); Tehničke karakteristike za pumpu VSP CC 834/06 (str. 39.); Tehničke karakteristike i dijagram za pumpu VSP CC 834/06 (str.43.) i Tehničke karakteristike za pumpu VSP CC 834/06 (str. 44.) pri čemu se na svim navedenim dokumentima nalazi i sljedeći tekst : „Usljed kontinuiranih poboljšanja dizajna zadržavamo pravo, da bez ranije najave, izmijenimo specifikacije ili druge podatke“. Istovremeno u Obrascu za ponudu, ponuđač je dao Izjavu da prihvata sadržaj i zahtjeve predmetne tenderske dokumentacije u potpunosti, bez ikakvih

rezervi ili ograničenja. Napomene u navedenim dijelovima njegove ponude u kojima ističe da sadržava pravo da bez ranije najave izmijeni specifikaciju ili druge podatke su u suprotnosti sa Izjavom datom u Obrascu za ponudu, sa naglašavanjem da su prema tački 16. tenderske dokumentacije „Sadržaj ponude i način pripreme ponude“ te osnovom člana 57. stav (1) Zakona o javnim nabavkama ponuđači dužni da se pridržavaju zahtjeva i uslova iz tenderske dokumentacije.

Obzirom na navedeno, utvrđeno je da ponude ponuđača ponuđača „Hidro-Termo Centar“ d.o.o. Sarajevo, „Ganges“ d.o.o. Doboju, „CMC Ekocon“ d.o.o. Sarajevo i „Elektrouniverzal“ d.o.o. Tuzla ne ispunjavaju zahtjeve ugovornog organa tražene tenderskom dokumentacijom, zbog čega se ponude ovih ponuđača smatraju neprihvatljivim i iste se odbacuju, a sve u skladu sa članom članom 68. stav.4. tačka i) Zakona o javnim nabavkama.

**Komisija je utvrdila da u predmetnom postupku nabavke roba : „Bunarski pumpni agregati za mojmilski bunar MB8 , bunar SKB3 – Izvorište Sokolovići, bunar SKB4 – Izvorište Sokolovići“ – interni broj postupka 73/17 lot 2 nijedna od primljenih ponuda nije prihvatljiva, zbog čega su ispunjeni uslovi iz člana 69. stav 2. pod d) Zakona o javnim nabavkama (Sl. glasnik broj 39/14) za poništavanje postupka nabavke, te daje preporuku Ugovornom organu – ovlaštenom licu ugovornog organa da za predmetnu nabavku roba : „Bunarski pumpni agregati za mojmilski bunar MB8 , bunar SKB3 – Izvorište Sokolovići, bunar SKB4 – Izvorište Sokolovići“ – interni broj postupka 73/17 lot 2 donese odluku o poništenju postupka nabavke.**

Polazeći od gore navedenih konstatacija i činjenice da za predmetnu nabavku nijedna od primljenih ponuda nije prihvatljiva, primjenom člana 69. stav 2. tačka d) ZJN, donesena je Odluka o poništenju postupka.

#### **Pouka o pravnom lijeku:**

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti:

-Ponuđači  
-a/a

*Mader*



**v.d. Direktor**

*Azra Muzur*

Azra Muzur, dipl.inž.građ.